

**KRAV OM LOVLEGKONTROLL ETTER KOMMUNELOVA § 59 NR. 4 (C) AV HERADSSTYRET SITT
ANDRE VEDTAK I ATT-OPPTAKING AV SAK 040/19 AV 19.06.2019**

Innleiing

Underteikna representantar vil meine at det er gjort sakshandsamingsfeil ved andre opptak av sak 040/19 i Osterøy heradsstyre sitt møte 19. juni, og at dette seinare vedtaket vert oppheva.

Bakgrunn

I Osterøy heradsstyre sitt møte 19. juni 2019 var sak 040/19 «Omsorg+ 2020-2040 - eit vegval for Osterøy kommune» handsama og formannskapet sitt framlegg vedteke med 14 røyster mot 11.¹

Etter at sak 045/19 i same møte er handsama ber Ragnar J. Tyssebotn (Frp) om at saka vert tatt oppatt til ny handsaming.² Møteleiar Alf Terje Mortensen (Frp) melder at ho vert tatt opp på nytt fordi at «så lenge møtet ikkje er heva kan ein be om å ta oppatt saka men heradsstyret er nøydtt til å gje sin tilslutnad til at saka vert tatt oppatt til handsaming, eventuelt ny votering», og det vil skje i slutten av møtet.

Etter sak 047/19 og før sak 048/19 tek møteleiar opp om sak 040/19 skal til realitetshandsaming.³ Til dette spørsmålet er det 10 representantar av 26 som røystar imot men til spørsmål frå Ingemar Tepstad (H) svarar møteleiar at enkelt fleirtal er nok til å handsama saka.


Grunngjeving

Avrøysting i sak 040/19 var allereie fullført tidlegare i same møte, og saka var difor avslutta og ute av sakskartet. Vi vil meine at å ta saka opp til ny avrøysting er soleis eit krav om å ta opp ei sak som ikkje er på sakskartet, jamfør KommuneLOVA § 34 nr. 1 andre setning, og Osterøy heradsstyre sitt reglement av 26. september 2018 § 10, del tre, fyrste setning. Ved avrøystinga om realitetshandsaming var det 10 representantar som motsette seg dette, noko som er meir enn 1/3 av dei møtande medlemmane, og saka skulle då ikkje ha vore handsama eller tatt opp til votering.

At saka skulle handsamast to gonger var korkje å finna i innkalling og saksliste som var sendt ut på førehand, og heller ikkje varsla i sak 029/19 «Godkjenning av innkalling og saksliste» i byrjinga av møtet (sjå møteprotokoll), jamfør KommuneLOVA § 32 nr. 2.

Til slutt stiller vi oss allment undrande til at det skal vera mogleg å ta omkamp om ei sak i same møte som ho var vedteken i. Om slik åtførd vert godteken praksis vil kommunestyremøte fort enda opp i kaotiske tilstandar.


Med venleg helsing,



Ingemar Tepstad
Osterøy Høgre



Atle Solberg
Osterøy Høgre



Berit Moslett Borge
Osterøy Høgre



Hjalti Heimir Gislason
Osterøy Høgre

¹ Sjå 01:49:10 ut i straumen <https://www.facebook.com/osteroy.frp/videos/354689351860916/> eller <https://drive.google.com/open?id=1m96dPonGtJhNVSJ5ilMhY-Pmz8PDk4-q>

² Sjå 02:50:53 ut i same straum eller https://drive.google.com/open?id=13vbphpk4XNGBMPZVms_EqfWTEVxWXC0d

³ Sjå 02:54:55 ut i same straum eller <https://drive.google.com/open?id=1ZTK93YMsMzMkkKw2a4LfkTDyVBJwW6K4>